



# Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina


Telefon: Centrala 033/658-038; Fax: 033/656-812 ; Eko telefon: 033/660-000  
E-mail: jkpradsa@bih.net.ba; Web: www.rad.com.ba; Viber i WhatsApp poruke: 062/220-330  
ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11  
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

1148

Datum: 26.03.2026. godine

Naš broj: 1557/26

**SKUPŠTINA KANTONA SARAJEVO**  
**Ul.Reisa Džemaludina Čauševića br.1**  
**71000 Sarajevo**  
**n/r Predsjedavajući**  
**Elvedin Okerić**



**PREDMET:** Odgovor na zastupničku inicijativu – dostavlja se  
(u vezi s vašim aktom broj: 01-04-644-2/26 od 17.03.2026. godine)

Poštovani,

Ovim putem dostavljamo detaljan odgovor na zastupničku inicijativu te vas u pisanom obliku obavještavamo o svim relevantnim činjenicama u vezi s navedenim pitanjem. Inicijativa je pokrenuta od strane zastupnice gđe. Sebije Izetbegović, a odnosi se na hitno obezbjeđivanje finansijskih sredstava za nabavku teške mehanizacije neophodne za nesmetano funkcionisanje deponije Smiljevići.

Napominjemo da KJKP RAD d.o.o. Sarajevo upravlja deponijom Smiljevići u skladu sa zakonom propisanim nadležnostima i važećim operativnim procedurama, te kontinuirano poduzima aktivnosti s ciljem održavanja funkcionalnosti sistema upravljanja otpadom na području Kantona Sarajevo.

Dolaskom nove Uprave u oktobru 2025. godine pokrenut je niz aktivnosti usmjerenih na stabilizaciju poslovanja i unapređenje operativne efikasnosti preduzeća. Poseban fokus stavljen je na sanaciju i osposobljavanje postojeće mehanizacije te opravci tri (3) mašine na deponiji za razgrtanje smeća, imajući u vidu činjenicu da preduzeće trenutno ne raspolaže dovoljnim vlastitim finansijskim sredstvima za nabavku nove opreme ove vrste.

U tom smislu izvršen je detaljan tehnički pregled raspoložive mehanizacije, te su prioritetno pokrenuti postupci popravke i stavljanja u funkciju ključnih radnih jedinica. Prema trenutno dostupnim informacijama i izvršenim analizama na terenu, nema evidentiranih zastoja u procesu prijema i istovara otpada na deponiji Smiljevići, te se operativni procesi odvijaju bez većih poteškoća.

Međutim, važno je istaći da su kompaktori koji se koriste na deponiji stariji od 8 godina, što značajno utiče na učestalost kvarova i povećava troškove održavanja. Do sada nije vršeno iznajmljivanje ove vrste mašina, prije svega zbog njihove specifičnosti, visokih tehničkih zahtjeva, ali i činjenice da takva oprema praktično nije dostupna na tržištu Bosne i Hercegovine. Radi se o izuzetno složenim mašinama za kompaktiranje otpada, težine približno 40 tona, velikih dimenzija i specifične namjene, čija se tržišna vrijednost na međunarodnom nivou procjenjuje na više od 1.500.000,00 KM bez PDV-a po jedinici.

Uprava preduzeća kontinuirano ulaže napore u očuvanje finansijske stabilnosti, što podrazumijeva redovno izmirivanje obaveza prema dobavljačima, zaposlenima i drugim relevantnim subjektima, uz istovremeno planiranje i realizaciju prioritarnih aktivnosti u okviru raspoloživih sredstava. Također, osigurani su preduslovi za dodatne popravke i unapređenje postojeće mehanizacije, s ciljem dugoročne stabilizacije sistema i povećanja sigurnosti rada na deponiji.

Istovremeno, želimo naglasiti da su pitanja obezbjeđenja finansijskih sredstava za kapitalne investicije, poput nabavke nove teške mehanizacije, predmet razmatranja i odlučivanja u okviru

Transakcijski računi:  
UniCredit bank d.d. Sarajevo: 3389002208077649  
Intesa Sanpaolo Banka d.d. BIH: 1540011100043893  
ASA Banka d.d. Sarajevo: 1341131110001478  
NLB Banka d.d. Sarajevo: 1320302028992208  
Raiffeisen BANK d.d. BIH: 1610000367350069



Pružanje i održavanje komunalnih usluga od strane KJKP "RAD" Sarajevo, uključujući: javnu higijenu, prikupljanje, transport i odlaganje otpada, razvrstavanje sekundarnih sirovina, čišćenje i održavanje javnih površina, sanaciju i rekonstrukciju javno-prometnih površina, proizvodnju asfalta, te upravljanje saobraćajem u mirovanju.

zakonodavnih i izvršnih organa vlasti, odnosno u zastupničkim klupama i nadležnim institucijama. U tom smislu, smatramo da je neophodno da nadležne institucije, u skladu sa svojim ovlaštenjima i budžetskim mogućnostima, obezbijede adekvatna finansijska sredstva za ovu namjenu.

KJKP RAD d.o.o. Sarajevo ostaje opredijeljeno da, u okviru svojih nadležnosti, pruži punu stručnu i operativnu podršku svim inicijativama koje imaju za cilj unapređenje sistema upravljanja otpadom. U tom kontekstu, preduzeće je već uputilo više zahtjeva prema nadležnim institucijama na različitim nivoima vlasti, s ciljem obezbjeđenja finansijske podrške za nabavku nove mehanizacije i opreme.

Smatramo da bi realizacija ovakvih investicija imala višestruki značaj, uključujući unapređenje kvaliteta usluga, povećanje operativne efikasnosti, modernizaciju procesa upravljanja otpadom, kao i smanjenje potencijalnih rizika u segmentu prikupljanja, transporta i odlaganja otpada na području Kantona Sarajevo.

KJKP RAD d.o.o. Sarajevo upravlja deponijom i u potpunosti podržava sve inicijative koje imaju za cilj unapređenje sistema upravljanja otpadom, te ostaje opredijeljeno za saradnju sa svim nadležnim institucijama u cilju iznalaženja održivih i dugoročnih rješenja u ovom sektoru.

S poštovanjem,

KJKP „RAD“ d.o.o. Sarajevo  
DIREKTOR

